

KJKP "RAD" d.o.o. Sarajevo, Paromlinska broj 57. (u daljem tekstu: "Kupac"), koga zastupa direktorica Vera Arnautović, dipl.pravnik.

Broj rješenja: UF/I-889/01

Porezni broj: 01700105

Identifikacioni PDV broj: 200316890001

Transakcijski račun broj: 338-900-22080776-49 UniCredit banka d.d. Sarajevo

i

Penny plus d.o.o. Sarajevo, ulica Igmanska bb, 71 320 Vogošća (u daljem tekstu: "prodavac"), koga zastupa direktor Almedin Kadrić.

Broj rješenja: 1-18028

Porezni broj: 200162210002

Identifikacioni PDV broj: 4200162210002

Transakcijski račun broj: 338-320-22506667-59 UniCredit banka d.d. Sarajevo

zaključili su:

## **U G O V O R**

o javnoj nabavci robe

### **PREDMET UGOVORA**

#### Član 1.

Predmet ovog Ugovora je javna nabavka građevinskog materijala za potrebe rekonstrukcije toaleta u pogonu „Gradnja“, a prema ponudi broj: 19-0101-008468 od 27.11.2019. godine. Odluka o izboru najpovoljnijeg ponuđača broj: 05-03-05-22850/19 od 27.11.2019. godine. Odluka o pokretanju postupka nabavke putem direktnog sporazuma broj: 05-03-05-22846/19 od 11.11.2019. godine.

### **CIJENA**

#### Član 2.

Cijena predmeta nabavke je fiksna. Fakturisanje se vrši po važećem cjenovniku i jediničnim cijenama Prodavca iskazanim u ponudi broj: 19-0101-008468 od 27.11.2019. godine koja čini sastavni dio ovog Ugovora.

Ukupna vrijednost nabavke iznosi: 1.518,12 KM bez uračunatog PDV-a.

### **NAČIN PLAĆANJA**

#### Član 3.

Prodavac izdaje fakturu čiji je prilog otpremnica potpisana od strane ovlaštenog predstavnika Prodavca i Kupca.

Isporučenu robu Kupac će platiti na transakcijski račun Prodavca u roku od 30 dana od dana fakturisanja.

## **ROK ISPORUKE**

### **Član 4.**

Rok isporuke za robu iz člana 1. ovog Ugovora je odmah po dostavljanju narudžbe od strane Kupca, fco skladište KJKP "RAD" d.o.o. Sarajevo.

## **KVANTITATIVNI I KVALITATIVNI PRIJEM**

### **Član 5.**

Kvantitativni i kvalitativni prijem robe iz člana 1. vrši se prilikom preuzimanja istih. Reklamacije Kupac će dostaviti u obliku Komisijskog zapisnika o prijemu robe, u roku od 5 (pet) dana, od dana prijema robe. Prodavac je dužan da po prijemu zapisnika neodgovarajuće robe, iste povuče od Kupca. Reklamaciju na kvalitet Kupac će dostaviti u roku od 5 (pet) dana po saznanju da roba ne odgovara kvalitetu. U tom slučaju Kupac i Prodavac će sačiniti zajednički zapisnik o kakvim nedostacima se radi i predložiti način otklanjanja.

## **UGOVORNE KAZNE**

### **Član 6.**

U slučaju kašnjenja u isporuci robe, do kojeg je došlo krivicom odabranog ponuđača, isti će platiti ugovornu kaznu u skladu sa Zakonom o obligacionim odnosima u iznosu od 1% vrijednosti naručene robe, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti robe koja je predmet narudžbe. Odabrani ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa, u protivnom Ugovorni organ će umanjiti fakturu za navedeni iznos.

## **RASKID UGOVORA**

### **Član 7.**

Svaka od ugovornih strana može tražiti raskid ovog Ugovora. Zahtjev za raskid ovog Ugovora podnosi se u pisanoj formi, s tim da otkazni rok ne može biti kraći od 7 (sedam) dana.

## **ANTI-KORUPCIONA KLAUZULA**

### **Član 8.**

(1) Ugovorne stranke se izričito obavezuju da će se u izvršavanju poslova po ovom ugovoru izričito suzdržati od bilo kakvih radnji koje bi imale znakove koruptivnog postupanja.

(2) Ugovorne strane se obavezuju da neće dati, obećati ili prihvatiti bilo kakav poklon ili isplatu u novcu ili nekom drugom vrijednom predmetu, posredno ili neposredno jedna drugoj, putem bilo kog službenika ili drugog zaposlenog u jednoj od ugovornih stranaka ili drugom preduzeću (službi, odjeljenju), odnosno bilo kog lica sa svrhom podmićivanja da bi tako naveli nekog službenika ili drugog zaposlenog ili stranku na zloupotrebu svog položaja

tako da bi time stekao, zadržao ili usmerio poslove ka naručiocu, zastupniku, distributeru, preduzeću ili drugom povezanom preduzeću.

(3) U slučaju izvršenja ili pokušaja izvršenja radnje iz prethodnog pasusa, već sklopljeni ili važeći ugovor je ništavan, a ako ugovor još nije važeći, računa se da ugovor nije ni bio sklopljen.

## **OSTALE ODREDBE**

### **Član 9.**

Sve izmjene i dopune ovog Ugovora mogu se vršiti isključivo pismeno uz saglasnost ugovornih strana.

### **Član 10.**

Sve eventualne sporove ugovorne strane će rješavati sporazumno, u duhu dobrih poslovnih odnosa i uzajamnog povjerenja.

Ukoliko se sporazumno rješenje ne postigne, nadležan je Sud u Sarajevu.

### **Član 11.**

Ugovor stupa na snagu danom potpisivanja od strane obje ugovorne strane i traje do datuma realizacije obaveza koje su predmet ovog ugovora.

### **Član 12.**

Sastavni dio ovog Ugovora je Ponuda broj: 19-0101-008468 od 27.11.2019. godine

### **Član 13.**

Ugovorne strane su saglasne da se na druga pitanja koja nisu regulisana ovim Ugovorom, primjenjuju odredbe Zakona o obligacionim odnosima BiH.

## **ZAVRŠNE ODREDBE**

### **Član 14.**

Ugovor je sačinjen u šest (6) istovjetnih primjerka, 4 (četiri) za Kupca, a 2 (dva) za Prodavca.

**Penny plus d.o.o. Sarajevo**  
**Direktor**

**KJKP "RAD" d.o.o. Sarajevo**  
**Direktorica**

\_\_\_\_\_  
Almedin Kadrić

\_\_\_\_\_  
Vera Arnautović, dipl.pravnik

Broj: 05-03-05- \_\_\_\_\_ / 19  
Dana, 03.12.2019. godine

